


Yon gid paran pou Vrè evalyasyon pou jèn timoun (Authentic Assessments for Young Children)

Kisa Vrè evalyasyon (Authentic Assessments) an ye?

Vrè evalyasyon se zouti ekip anseyan itilize chak jou pou konprann

- Kisa timoun konnen.
- Kijan timoun ap devlope.
- Kisa yo ka fè pou yo ede timoun devlope



Kijan vrè evalyasyon an mache?

Lakay ou, ou evalye bagay sa yo chak jou. Ou tcheke pou wè si pitit ou pote l byen ase pou l ale lekòl. Ou gade kòman yo antann yo avèk zanmi lè li sou lakou a, ak ki tip bagay ki enterese l. Lè ou fè obsèvasyon sa yo, sa ede w konprann pitit ou a ak kòman ou ka ede l kontinye devlope. Pwofesè pitit ou a itilize Vrè evalyasyon pou pi fò nan menm jan an.

Ekip anseyan an kolekte echantiyon travay elèv, yo pran foto timoun pandan y ap travay ak pandan y ap jwe, epi yo obsève kisa timoun yo ap fè pandan jounen lekòl la (pa egzansp, pandan yo chita angwoup nan salklas la, lè yo deyè, lè yo an ti gwoup, etc). Ekip anseyan yo itilize enfòmasyon sa a pou konprann kòman chak elèv fonksyone epi yo planifye aktivite ki ede yo devlope.

Kòman yo itilize enfòmasyon ki soti nan *authentic assessments* an?

Yo itilize Vrè evalyasyon pou konprann kòman timoun reflechi, devlope ak aprann. Evalyasyon sa yo itil pou fanmi, pwofesè ak pou pwogram nan diferan fason.

Fanmi ka itilize done ki soti nan Vrè evalyasyon pitit ou yo pou:

- Konprann kòman yo ka ede pi byen pou pitit yo grandi ak devlope.
- Konprann kijan pitit ou aprann pi byen nan salklas la.

Ekip pwofesè yo ka itilize done ki soti nan Vrè evalyasyon an yo pou:

- Konprann abilite pitit ou ak pran desizyon osijè kòman pou ede li kontinye grandi.
- Planifye aktivite chak jou dapre abilite ak sa ki enterese pitit ou, tankou:
 - Chwazi liv pou salklas la pou ede pitit ou a aprann yon abilite oswa yon konsèp.
 - Chwazi jwèt lè pitit ou ap jwe deyò pou ankouraje l travay avèk lòt timoun ak aprann nouvo abilite yon fason amizan.
 - Mennen aktivite k ap ede pitit ou a devlope aptitud sosyal ak emosyonèl tankou kòman pou yo jwen avèk lòt timoun ak konprann kòman lòt timoun santi yo.
- Kominike avèk fanmi pandan konferans lè yo itilize echantiyon ak/oswa rapò sou travay yo.

Pwogram ka itilize done ki soti nan Vrè evalyasyon yo pou:

- Kòmande materyèl pou ede bezwen aprantisaj timoun.
- Idantifye resous pou ede ekip anseyan yo satisfè bezwen aprantisaj tout timoun.



Ki domèn devlopman yo evalye?

Yo jeneralman divize devlopman jèn timoun an senk branch oswa "domèn" pou evalyasyon:

- *Apwòch pou aprantisaj* - kòman timoun angaje yo nan eksperyans aprantisaj la. Se yon bagay ki enpòtan paske fason timoun apwoche aprantisaj enfliyanse devlopman yo atravè tout domèn.
- *Devlopman sosyal ak emosyonèl* - kòman timoun devlope relasyon menm jan an tou kòman yo rekonèt ak jere emosyon. Sa yo se konpetans pèmanan ki nesèsè pou devlopman aprantisaj.
- *Langaj, Literacy ak kominiksyon* - kòman timoun tandè, konprann, ak itilize lang avèk nouvo konpetans yo nan literasi ak lòt abilite devlopman pou yo kominike.
- *Entèlijans* - abilite ak konsèp timoun itilize pou konprann ak òganize mond ki antoure yo a, ladan matematik, art, syans, ak syans sosyal.
- *Devlopman fizik ak sante* - konesans ak abilite timoun devlope pou yo deplase ak rete san danje nan anviwònman yo.

Li enpòtan pou ekip anseyan yo evalye tout domèn sa yo atravè obsèvasyon ak analiz echantiyon travay yo pou yo ka konprann pi byen ak bay pitit ou a sipò konplè. Tanpri sonje domèn yo dekri pi wo yo kapab yon tijan diferan depann zouti pwogram ou an itilize a.

Kijan mwen ka bay èd mwen nan Vrè evalyasyon yo?

Ou konnen pitit ou a pi byen! Pale avèk pwofesè pitit ou a souvan. Lè nou travay ansanm, sa ka ede asire pitit ou a jwenn sipò li bezwen pou l aprann ak grandi.

- Ou ka pataje enfòmasyon osijè konesans pitit ou ak sa ki enterese l avèk pwofesè pitit ou yo.
- Ou kapab pale sou devlopman pitit ou a avèk pwofesè yo. Sa ede oumenm ak pwofesè pitit ou yo travay ansanm pou ede pitit ou grandi.
- Poze pwofesè pitit ou a kesyon sou vrè evalyasyon yo epi rete ouvè pou rekòmandasyon.

Se [The Division of Early Childhood Education](#) ki ofri w pwogram sa a

Imèl: earlychildhood@schools.nyc.gov

Ou ka jwenn enfòmasyon sou 3-K pou Tout Moun ak Pre-K pou Tout Moun sou sitwèb nou an.

[Enskri nan Pre-K pou Tout Moun](#)